



BIBLE HISTORY  
AND  
DR. LUTHER'S SMALLER KATECHISM  
IN  
KUVI LANGUAGE.

---

బైబిల్ పుస్తోనికవ మార్తీను  
లు ఛేరు శాస్త్రి రాచితి ఈచి  
భక్త్య న బోధవ  
కువ్వి భహ.

---

BY  
REV. F. V. P. SCHULZE.

---

Printed by :  
PRINTED BY GRAVES, COOKSON & CO., SCOTTISH PRESS.

---

1910.



## PREFACE.

---

THIS Bible History in the Kuvi language, in Telugu characters, is, I believe, the first attempt that has been made to reduce this language to writing.

It is necessary to say a few words in support and in defence of this undertaking.

The Kuvi language is spoken by the hill tribes in the Vizagapatam Agency Tracts of Jeypur and in the south of Kalahandi. According to Frazer's Gazetteer,  $\frac{1}{4}$ th of the Jeypur Agency speaks Kuvi. As it has no written language of its own, the author of this work has decided on adopting the written characters of the Telugu language, as being the most useful, under existing conditions for his Mission work in the Salur Agency to express the Kuvi language in writing, because all male adults of the race who claim this language as their mother tongue, can also speak Telugu, though their wives and children know only Kuvi. There must be prepared another edition in Oryia characters for Jeypur and Kalahandi.

This Kuvi language must not be confounded with the Kui language, which is spoken by the same tribe to the North-east. The male adults of those speaking Kui, can also speak Uriya, though their wives and children cannot. Ferreira has published a Kui Grammar in Roman characters,—The Gospel of Mark has been translated in that language with Oriya characters. It must,

however, be remembered that this Kui language is not understood by the Porjas of Jeypur, though it appears to be a dialect of it.

This work contains sixty stories from the Old Testament and sixty from the New Testament and Luther's Smaller Catechism.

In preparation, are also a Grammar and a Dictionary. The work is undertaken with the hope of ultimately unifying the two dialects and thus uniting the whole tribe.

The author recognizes the gravity and importance of his task and earnestly invites criticism of this publication, which he will receive most thankfully as being the surest way of correcting errors that will creep into every work in spite of one's best endeavours to be strictly correct.

SALUB, }  
30—5—1910. }

P. S.

# స్వయి నిబంధన

1.

## సృష్టి.

హారబర్హకిహ తొల్లివ భూమి, మొక్కొంగ, జీవెడ్క, జనోవి, వేడను, లేంజు, ముక్కంగ హిల్లెలతు. బహేలందేర హీమచ్చె. పరముశేల రొబసివ మచ్చెసి. ఎవనకి కొస్సహిల్లెవ మొద్దొలి హిల్లెవ.

జగ్గోవి హల్లెవ ఇంబలసి సృష్టించితెసి! మానేయి జగ్గోమితి కేపలాడినెసికి! ఏది అవ. ఏది పరముశేలవల్ల కేపితయి. పరము శేల ఈదాని ఇందిని నజ్జ హిల్లెలనహ కేపితెసి. వచ్చె ఎవని హడ వ్వు ఆతె.

క్కిడి పరముశేల జగ్గోమితి నిర్ణయించితెసి. ఏది ఎచ్చెల జగ్గితెల, ముగె తెలహహిల్లెవ. ఏడాయు ఎవసి పోడినోమిత మానేకంగ ఒత్కారి అనుకూలోమినింగ హగుతి భూమితి కేపితెసి.

2.

## సృష్టి.

పరముశేల తొల్లినేచు ఉజ్జెడి కల్లవెకో ఇంజహి పెస్సలివ ఉజ్జెడి కల్లతె.

రి నేచు పరముశేల హాగు భూలోకోమితి కేపితెసి.

తీని నేచు సముద్రోమితి వైతి భూమితి కేపితహా వైతి  
భూమిత వాలతి జాడ మ్రాక మొక్కొంగ బహా జర్మికి తెసి.

సారి నేచు వేడ లేంజు హుక్కంగ కాలోమి నిర్ణయోమి  
కోసోమి ఉజ్జేడి ఆననకి కేపితయి.

పాస నేచు పరముశేల మీన్కని, పొట్టుంగని కేపితెసి.

సో నేచు పరముశేల జీవెడ్కని, తాకిని క్లికని కేపిహీ తుడ  
తకి మానేతి సృష్టించితెసి.

పరముశేల తాను కేపితి హార్కుంగని బహా మెస్సిహీ ఏవి  
హారెఎ నెహిమన్ను ఇంచహీ చిన్నికి తెసి.

సారె దినత పరముశేల ఏనల కేపహిల్లుసి. కేపితి కమ్మంగ  
హల్లెహా రాపిహీ జోమితెసి. మారొజక్కె ఈ దినోమిత కమ్మ  
కేపతనహా ఏదాని పరిశుద్ధోమినింగ కేపలి ఒనుపుత ఇట్టకొడ్డినో.  
ఏ దినోమిత మారొ దేవులోమిత హడ్జహీ పరముశేల మమ్మల కేపలి  
వాలతి మేల్లుకోసోమి ఎవనయి జొ హెర్క్కియలివలె.

### 3.

## ఆదాము హవ్వ.

ఆదాము ఇని తొల్లి మానేతి సో దినత పరముశేల సృష్టించి  
తెసి. ఈయరతుల్లె మానేతి కేపితెసి. ఎవని ముంగలి లోంగోంగని  
పరముశేల తని ఉకోడి ఉకిరికి, మానే జీవార్తగట్టసి ఆతెసి.

ఆత్మ మంగె మన్నకి, మారొ పరముశేల సంగతింగ తెలహొడ్డినా  
జిబెడ్కుకి ఆత్మ హిల్లలకి, ఎవస్కుకి ఈతెతయి తెల్లై.

పరముశేల కేవెలింగ పరిశుద్ధగట్టసి, సాహోమిహిల్లల గట్టసి  
ఎచ్చెల్లక్క జీవించినసి. ఆదాము వలెలహీఎ పరిశుద్ధ గట్టసి  
ఎచ్చెల్లక్క జీవించినసి అహామంజలివల్లె. ఇంజహీ మచ్చెసి.

ఆదాముతకి ఈయ పిల్లలతకి, పరముశేల ఎవనకి హారెఎ ఇడ్డ  
కల్లికేపిహీ, ఎవని పండ్రవ్లేను రొండల రెజ్జవహా వదాని ఈయని  
కేపితెసి. ఏ ఈయని దోరు హవ్వ. ఆదాము హవ్వనకి హారె  
జీవునా తెసి.

#### 4.

### ఏదేను ఇని తోట.

పరముశేల ఆదాములి హవ్వలి ఏదేను ఇని ఓజలి తోటత  
కాపురోమి ఇట్టితెసి. ఆదాము ఏ జాడకాచిహీ వదాని పట్కుంగ  
లించిహీ మచ్చెసి. ఏ జాడత కీడు మేల్లుంగని వెహెని రొమాను  
మచ్చె. వదాని పట్కు తిన్నయి ఇంజహీ, లిచ్చిహా హాతెరింజహీ  
పరముశేల వెస్తెసి.

పరముశేల మాముహా హారెఎ దయగట్టసి. ముంగె కల్లితని  
బహా ఎవసి హీయతయి. మంగొ హారోమిక, హింబోర్కు, ఇల్కు,  
తోనెంగని ఇవసిఎ దయ కేపిమంజనెసి. మారొ నెహతోహిఅతిహా  
రాహాటి మన్నయి. పరముశేల హెల్లాతి గ్లాతిహా సాహోమి అనె;  
అప్పుడి రాహ, సమాథానోమి హన్నె.



5.

## ఆదాము పాపామిత రీనయి.

సైతాను ఇని దోరుగట్టి రొ దుష్టుగట్టి దూత మచ్చె. ఇది ఆదామువ హవ్వవ ఏదేనుత హారెవ రాహటి మన్ని లెహె మెస్సిహీ ఓర్వాలి ఆడఅనహా అహామచ్చె; లక్క ఎవరి పరముశేల హెల్లాతి లోబాడఅనహా మన్ని లెహె, ఇది వైయెత్సోమి కేఱితె. ఇది రాచు వాణి మ్లిహిహీ పరముసెల్ల తినఅనిఇంజహీ హెల్లాహితి. పట్కు తినమింజహి హవ్వతుల్లె వెస్తె. ఏదానకి హవ్వ—మాంబు హాఅనహా మాంజలి ఏమ్రూను పట్కు తినయి ఇంజహీ పరముశేల మాంజె హెల్లా హీయతెసి. అప్పుడి సైతాను :—మీంబు యెంతమాత్రోమి హాఅనహా పరముశేల లెహె ఆనెరింజహీ చక్కిరి జోలితె.

హవ్వ ఏపట్కు మెస్సిహీ ఇది హారెవ నెహె ఇంజహీ ఇంజ కొడ్డిహీ బుద్ధిగట్టైతె ఆయ్యలి ఈదాని తింజలి ఆశ ఆతె. అప్పుడి ఈది ఏ పట్కు కొచ్చెక తింజహీ కొచ్చెక ఆదాముతకి హిలై.

ఏదానకి ఆదామువ హవ్వవ పాపుగట్టరహీ తాంబు తప్పు కేఱిలెహె తెలహాకొడ్డితె. ఇవరి అజ్జహీ ఏ బాడతమన్ని రొ కజ్జ మ్రూను మాటులి రుగ్గితెరి.

6.

## ఆదామువ హవ్వవ ఏదేను జాడటి హన్నాని.

మిదోల్కిహీ పరముశేల ఏ బాడత వహీ—ఆదాము

ఇంచీయా మంచి? ఇంజిహీ హాటిలేసి. అప్పుడి ఆదాము వక్రూను మాటులి మంచిహీ—ప్రభువూ! మంగె హింబోర్క హిల్లట లక్క లజ్జ అహీ అజ్జిమన్నోమి. ఏదానకి పరముశేల—నాను నింగె తిన్న అని ఇచ్చి పట్కు నీను తిచ్చిగాడా! ఏదానకి ఆదాము—నీను నంగె హీయతి ఈయ నంగె హీయలే. అప్పుడి పరముశేల హవ్వతుల్లె—నీను ఈలెతి కమ్మ ఏనతకి కేపితి? ఏదానకి హవ్వ—రాచు నంగె అందకీయలే లక్క ఈ పట్కు తిచ్చెవ. అప్పుడి పరముశేల రాచు తుల్లె—నీను ఈలె కేపితకి జీవెడ్కు బహీతిలోని నీను బాక పాటిహీ నీ బండిముహె తాకలివలే, ఇంజిహీ వెస్తెసి.

ఏదాయు పరముశేల ఆదాముతుల్లె—నాను నింగె తిన్న అని ఇచ్చి పట్కు నీను తిచ్చి లక్క, నీ కోసోమి తొజ్జో బాక మన్నంపె. వాహుతుల్లె నీ దినంగబహీ ఏదాని పట్కు తింజి. ఇది హామ్మ డ్రాంగుంగని నింగె జర్నికిత్తె. నీను నీ మూంబుతి గామవల్ల నీ రాంద తింజి.—

ఏదాయు పరముశేల హవ్వతుల్లె—హార కష్టోమితుల్లె పోది పోద పాది. నీ డోకరకి నీను లోబాడమన్నము, ఎవసి నిన్న అయేల నెసి. అతిహె రాచుకి నింగెవ, (ఇచ్చిహె నీ జర్నితకివ) విరోధోమి జర్నికియి. మానె జర్నిటి రోజిసి ఎహివహా నీత్రాయు తిప్పినింగ వేచతుహు నెసి.

ఈ హాడలె హె యేసు క్రీస్తు వహివహా పైతాను ఇని రాచు అధికారోమితి తిప్పినింగ రెచ్చెసి.

## కాయాను, ఆబేలు.

ఆదాముతకి హవ్వనకి రిఅరి ప్రీక జర్న ఆతెరి. ఎవరిదోర్క-  
కాయాను, ఆబేలు. కాయాను హేరుకమ్మగట్టసి, ఆబేలు గొరింగ  
కాపు గట్టసి. ఆబేలు నెహసి, కాయాను లగ్గెతసి. రొనేచు  
కాయాను తని పంట జేంగుంగ, ఆబేలు తని మందటి రొ గొర్రి  
మీలతి పరముశేల కోసోమి పూజతకి తత్తెరి. ఆతిహె కాయాను  
లగ్గెతసి లక్క ఎవని పూజ కూతె; ఆబేలు పూజ పరముశేల ఓపి  
తెసి. కాయాను ఏదాని మెస్సిహీ హారె ఎ కోపఅహీ తని తైయిని  
హాయిఎ పాయితెసి.

ఏడాయు పరముశేల కాయానుతుల్లె—నీ తైయి ఆబేలు  
ఇంబియ మన్నెసి ఇంజిహీ వెచ్చెసి. ఏదానకి కాయాను—నాతైయి  
కాపు నానుకీ! అప్పడి పరముశేల—నీ తైయి కస్సహాలి తొజ్జాటి  
నానోకిత లీహీమన్నె. నీను బాక పాటలి ఆహీ, నీను కమ్మకేపిలి  
జక్కె భూమి నింగె పంట హీయె. నీను భూమిముహె అజ్జ  
వహా దేళోమి హల్లెహె ఆలగండ ఆహీ రేజి.

8.

## జగ్గ బుడ్డోవి.

రొ భాగోమి.

ఆదాము హారె కొక్కరి పోదంగ జర్నికీహీ నత్తి కుతిం  
గని మెస్సిహీ నోపంద కోడి చొస్సా బర్సంగ నీడివహా హాలెసి.

ఏదాయు మానేకంగ చెడ్డ లగ్గతరిఅహి పరముశేల హెల్లాతి  
వెన్నులతెరి. నూవాహు రొబసి తని కుటుంబోమితుల్లె. మాత్రోమి  
నెహసి అహమచ్చెసి.

అప్పుడి పరముశేల నోవాహుతుల్లె—ఈ మానేకంగ  
నా హాడ యెమాత్రోమి వెన్నుడిరి లక్క, ఇవరయి బహేతి మ్రెఖ  
తోయి. నీను ఆతిహె రో కజ్జ వాడ కేపము. నోవాహు ఏదాని  
కేపిలిదాయు పరముశేల వాలతి జీవెడ్కని, పొట్టంగని రొ జొత్త  
లెక్క వాడబిత్రి ఇట్టితెసి. నోవాహు తని దొక్కినితుల్లె తని తీని  
జాన మ్రొకతుల్లె తని తీనిజాన కుడియస్కుతుల్లె .వాడబిత్రి హజ్జి  
దాయు పరముశేల దారా తుండితెసి.

అప్పుడి యెహూవా రి కోడి దిన పీయు రీవికితైసి. ఇల్కు  
హూర్క బహే ఏయుత ముంజహచ్చు. పాపోమిగట్టరి బహే  
ముంజహారెరి. వాడబిత్రిమన్ని అతజాన మాత్రోమి నీడితెరి.

9.

## జగ్గ బుద్ధోవి.

రి భాగోమి.

హార దిన హచ్చిదాయు ఏయు లీకిమన్నటి, వాడ ఆఅరతు  
ఇని హూరులెక్కి నిచ్చరూస్తె. అప్పుడి నోవాహు రొ కఆవతి  
పిస్తెసి. ఏది వెండె వాలతె. ఏదాయు ఎవసి రో కుగ్గూరితి పిస్తెసి.  
కుగ్గూరి కుగ్గాలి టాయు హిల్లలకి, వెండె వాలె. రిహె విస్సతెవి  
రో విర్పిల్లోల గూలితుల్లె కచ్చ తత్తె. తీని వేడె పిస్తటి, వెండె వా

అలా, లక్క వయస్సు లోహచ్చు ఇంజిహీ నోవాహువులంజిహీ పంగత హజ్జిహీ జీవెడ్కు బహీలి పిస్తైసి. ఇవసి జోహెర్కీనటి, యె హూవా నోవాహులి దీవించివహా వెస్తై వనలఇచ్చిహా— నాను ఓడె వయవల్ల భూమిలి క్లుపబ : భూమిమన్ని ఎచ్చెక చిచ కాలోమి దానికాలోమి, వెన్నిగామకాలోమి లాలమదెన మన్న అనహ పియెడ్.

## 10.

## బాబేలు.

నోవాహుతకి వేము, హాము, యాఫేతు ఇని తీసి జాన మ్రొక మచ్చెరి. ఎవరకి హార మ్రొకమాస్కు ఆరికి, కొచ్చెక కాలోమిత భూమి ఓడె వెంచెహీ జనోమితుల్లె నెంజ హచ్చె. అప్పుడి జనోమి హల్లెహె రొ భహతుల్లె జోలిమచ్చె. ఎవరి పర ముశేలయి లక్షిపెట్టలనహా గర్వోమిగట్టరహీ హగుతకి వనిల్లెహె రొ మేడ దొస్సలి ఒన్నితెరి.

అలిహె ఈ సంగతి పరముశేలకి ఇట్టోమి హిల్లలకి, ఎవరి లోని రొఒని హడ రొఒని పున్న అనహా, ఏ మేడ దొలనహా మన్ని రెహె, ఇవసి ఎవరి భహ తారుమారు కేపితెసి. ఏ టాయు దోరు బాబేలు. బాబేలు ఇచ్చిహె తారుమారు. అప్పుడి మానేకంగ భూమిత రొరొఒని గీయ్య తెలహా ఆకి ఇంచితరి ఎంచె చెదిరితెరి.

## ఆ బ్రాహ్మము.

జగ్గబుద్ధోవి హార బర్సంగ ఆతిడాయు, మానేకంగ వెండిహీ  
పరముశేలయి బాసలహీ, ఎవనకి బదిలితకి బొమ్మకేపిహీ ఎవస్కని  
ఎవనిలెహె పూజహీత్తెరి. ఈలెకిహీ మానే బహే హేడితకి, పర  
ముశేల ఆబ్రాహ్మము ఇని రొ మానేతి హటివహా ఎవనితుల్లె—  
ఆబ్రాహ్మమా? నీను నీ ఇల్లుతి నీ తోనెస్కని పిస్సిహీ నానునింగె  
తోస్తతి దేశోమితకి హల్లము. నాను నిన్ను ఆ గడ్డు జనోమితి  
కేపము. నీ కూడబర్నివల్ల భూమిముహెమన్ని జనోమి హల్లెతకి  
దీవనోమి పా'నె ఇంజిహీ వెస్తెసి.

అప్పుడి ఆబ్రాహ్మము యెహూవా హడతకి లోబడిహీ తని  
దొక్రి సార ఇని దోరుగట్టానితుల్లె ఏదేశోమిటి హెహిహీ కాన  
యాను ఇని దేశోమిత చేరితెసి.

## లోథు, సోదోమ.

ఆబ్రాహ్మము తైయి ప్రివసి ఇని లోథు ఎవనితుల్లె ఏ పూడిని  
రాజితకి వాలెసి. ఈ రిలరి కొచ్చెక కాలోమి నెహిఅహీ బతికితి  
డాయు ఇవరి గొత్తింగ హస్పితెరి. అప్పుడి ఆబ్రాహ్మము లోథు  
తుల్లె:—తోనెహూ! ఏనతకి మా గొత్తింగ హస్పిహీమన్నయి,  
దేశోమిహల్లెహె మంగెవ, నీ ఇట్టోమి మచ్చిహె, టీని బక్కి  
హల్లము, నాను తేలి బక్కి హయిని ఇంజిహీ వెస్తెసి.

ఏదానకి లోకు యోధాను ఇని కడ్డ వొడ్డుత మన్ని  
హిచ్చిడి భూమితి ఇట్టకొడ్డితెసి. అతిహా ఏ భూమిరమన్ని  
లోహామ, గొమొర ఇని గాడంగణమన్ని లోకు హారె దుష్టుగ  
ట్టరహీ మచ్చెరి.

అప్పడి యెహెరావా అబ్రాహాము తుల్లె:-నాను ఏ దుష్టు  
గాడంగని మ్రెఖతూవలయి ఇంజహీ వెస్సలివి, అబ్రాహాము విగా  
డంగకోసామి బొహూర్కితైసి. ఏదానకి దేవుడు-ఏదానిత  
దొస్సాన నెహరి మచ్చిహా, ఏగాడంగ మ్రెఖజి ఇంజహీ  
వెస్సైసి. అతిహా లోకు రొబసివి మాత్రోమి నీతిగట్టసి అహా  
మచ్చెసి. లోకుతి సోదామటి పంగత సాగిక్కియ్యలి దేవుడి రి దూతం  
గని పండితెసి. ఇవరి ఎవనితుల్లె-నీ దేవు కాచగొడ్డము, దాయ  
మహెఅని ఇంజహీవెస్సెరి. అతిజక్కె లోకు దొక్కిరి హెట్టి  
హెట్టిహీ తని దాయ స్థానాని మర్వినాని వెచ్చటి, వెంచె మెస్సి  
హా హారె. ఈది హారు స్థంభోమి అరె.

పరముకేల హగురెక్కొటి హిచ్చు పీయు రివిహీహా  
ఈది సోదామతి ఓడ సారిగొడ్డ గాడంగని స్థువె.

### 13.

## అబ్రాహాము, ఈసాకు.

హార దినటి అబ్రాహాముతరవి సారతరవి కొక్కరి హిల్లె  
అత్తెరి. అబ్రాహాముతకి సాసాకోడి బర్సంగ అహామచ్చటి, ఇతనికి  
రొమ్మావిసి జర్నలతెసి. ఇతనికి ఈసాకు ఇని దోరు ఇ.

పరము శీల ఆబ్రాహాము సత్తుతోమి కన్ను గొడ్డ కొరిపి—ఈసాకు  
నంగ పూజహీము ఇంజహీ హెల్లాహీ తైసి. ఏలెకహీఎ ఆబ్రా  
హాము ఈసాకుతి కేచొలహీహీ మొరీయ ఇని హెరారుత వచ్చెసి.  
ఈసాకు వెస్కు లేకహా వచ్చెసి. ఆబ్రాహాము వెస్కుహల్లాహా  
నేసివహా ఈసాకుతి ఎవస్కుముహె తొస్తైసి.

ఆబ్రాహాము ఈసాకుతి పాయలి తనికేయు పెర్లి  
మచ్చటి, యెహెరావాదూత హాగులెక్కొటి ఆబ్రాహాముతి హాటి  
హీ:—నీ ద్రూఎనయి పాయలని ఇంజహీ ఇచ్చెసి. ఇది ఆలనహా  
ఆబ్రాహాము తనిముహె నద్దివహా లోబడితకి, దేవుడి ఇవనయి  
దీవనోమితి హీ తైసి.

ఆబ్రాహాము ఇన్నిఎన్ని మెహెన్నుటి రొ సిప్పుత కొమ్మంగ  
ఒస్సిలతి రొ మేండతి హేండివహా ఏదాని ఈసాకు ఉప్పుర పూజ  
హీ తైసి.

నీను పరము శీల హారె బేవుకి త్తిహె ఎవసి నింగ హెల్లా  
ఆతని బహా కేవిది.

## 14.

### యాకోబు ఏశావు.

ఈసాకు రెబెక్కతి పెర్లికేవితెసి. ఇవరకి ఏశావు యా  
కోబు ఇని రిలతి మ్రొక జర్న ఆతెరి. ఏశావు బేటగట్టెసి, యాకోబు  
మంద కావుగట్టెసి. ఏశావు కజ్జెసిలహీ రొనేచు వాహాలహీ హాక్కి  
ఆతకి వాతటి, యాకోబు బాడుంగ వట్టెసి. ఆవ్వుడి ఏశావు—నీ



జారుంగ నంగ హీయము, నా కజ్జ పా'ణి నింగ హీయము ఇంజి హీ వెస్సీవహ యాకోబు ఏ జారుంగతి ఎవనకి హీత్తెసి.

ఏడాయు యాకోబు తని తంజి ఇని ఈసాకుతి హార్పిహీ ఏశావుకి బదులిగా తంజివల్ల కజ్జ పా'ణి దీవనోమితి పాటెసి.

కొచ్చెక కాలోమి ఆతిదాయు ఏశావు యాకోబుతి పాయలి ఒన్నినటి, తల్లతంజిస్కు యాకోబుతి తని మామ ఆతి లాబాను తాన పండితెరి. యాకోబు జీయుత లలంగ్వేల హప్పనత వరముశేల దూతంగ రొ దోపలెక్కొ ఎంగిహీ రోకి రేచిహీ మన్నిలేతొ మెస్తెసి. యెహెలావా ఏ దోపలెక్కొ మంజహ యాకోబుతకి దీవనోమి హీత్తెసి. యాకోబు తెలితటి ఈటాయుతకి వేతెలు ఇచ్చిహే దేవులోమి ఇని దోరు ఇట్టెతెసి.

## 15.

### యాకోబు ఏశావు వెండె కలిహామన్నెరి.

యాకోబు తని మేనమామ లాబాను ఇజ్జో దూంగిహీ ఎవని మందలి కాచిహీ, ఎవని మాంగఆతి లేయావ రాహేలుఎ వెండిలి కేవకొడ్డితెసి. యాకోబు దేవుడితి జీవుకితకి, ఎవని యాకోబుతి దీవించితెసి, లక్క యాకోబు హారెఎహెమ్ముగట్టసి ఆతెసి. అప్పుడి లాబాను ఏదాని మెస్సీహీ ఓర్వాలి ఆతలతెసి, లక్క యాకోబు చిత్తిచిత్త ఆహీ తని దేళోమితకి హెట్టెసి.

యాకోబు తనిదేళోమిదగ్గరె వాతటి, తని చాదఇని ఏశావు సారి వంద మానెకంగయెల్లె ఇవనకి ఎదురువారెన్సి.

యాకోబు ఈసంగతి వెంజివహా అజ్ఞతెసి. లలంగవేల యాకోబు  
 రొబసిఎ మన్నటి, రొ మానె వహివహా తని తుల్లె పామ్మికి ఆతెసి.  
 ఇవసిఎ ప్రభువు యేసుక్రీస్తు. నన్నల పిస్సలివలె ఇంజిహీ ఎవసి  
 వెచ్చటి, యాకోబు వెన్నయి వసలఇచ్చిహె:—నీను నన్నల దీవ  
 నోమి హీయలతిహె నాను నిన్నల పిస్తాబ. అప్పుడి దేవుడి ఎవకి  
 ఇశ్రాయేలు (ఇచ్చిహె దేవునితుల్లె పామ్మికి ఆనసి) ఇని పూని  
 దోరు ఇట్టితెసి.

. ఓడెరొనేచు లాయి యాకోబు వశావుతి కలిహితెసి. పరము  
 శేల వశావుతకి దయగట్టి మనస్సు హిత్రకి, రిలరి తోనెస్కులెహె  
 రొబనకి రొబసి లొండిహీ వడాయు రొబరొబసి తని టాయుత  
 హచ్చెసి.

## 16.

### యోసేపు హప్పనక.

యాకోబుతకి బారొజాన మీక మచ్చెరి. ఈ మీకణ  
 యోసేపు హారె నెహసి ఆతకి, ఇవని తంజి ఎవనయి బహేతరికిహా  
 హారె జీవుకితైసి. వడాయు తంజి యోసేపుతకి ఇచింత్రోమారి  
 రొ సొక్క కుట్టికిహీ హితైసి; లక్క ఎవనితైయిస్కు ఎవనయి  
 లాగివహా ఎవనిముహె కోక ఆహా మచ్చెరి.

యోసేపు రొనేచు రి హప్పనక హేతైసి; వసలఇచ్చిహె:—  
 తానుఎ తనితైయిస్కుఎ బ్లీకత పేండంగ డొస్సిమన్నిలెహె, తని  
 పేండంగ నిఇన్నిలెహె, ఎవరి పేండంగ తనిస్కునోకిత సాష్టోమి

బడితిరెహా ఇని హప్పన హేతెసి. వేడ లేంజు ఎగారగొట్ట హుక్కంగ తనినోకిత వంకివహా జొహెుర్కితి రెహా ఓడ్రో హప్పన హేతెసి లక్క, ఎవనితైయిస్క ఓడ ఎచ్చెక ఎవని హప్ప నకని లత్సకితైరి.

17.

## తైయిస్క యోసేపుతి ప్రాచిమన్నెరి.

రొనేచు తైయిస్క హారెఎ హెబ తమ్మి మందంగ మెచ్చి మచ్చటి, ఎవరి సుఖోమినింగ మన్నెరిఆ, అవెఆ, మెస్స వాము ఇంజి హీ యాకోబు యోసేపుతి వెస్స పండితెసి. యోసేపు తని తై యిస్క దగ్గిరె వాతటి ఎవరి—డెవ్వారి హప్పన హేటసి ఇహీ మన్నెసి ఇంజిహీ జోల్కిఆతెరి. ఇవరి ఎవనయి అస్సివహా లొగ్గా యుత మెత్తతుస్సిహీ ఎవనయి పాయలి ఒన్నితెరి. ఏ సమేమిత బేరోమిగట్టరి వాతటి, యూదా ఇనికజ్జ దాద :—మింబు పాయ్ల అదు, మారొ ఇవనయి ఎవరకి ప్రాచతూను ఇంజిహీ ఒన్నిహీవెస్సి మచ్చటి, ఎవరి ఈదానకి ఓవివహా కోడె తక్కతకి యోసేపుతి ఏ బేరోమిగట్టరకి ప్రాతెరి.

ఏదాయు తైయిస్క యోసేపు సొక్కతి రొ గొర్రెదాలు కస్సత రూటివహా తంజతాన తల్పిహీ వాతెరి. అప్పడి యాకోబు హారెఎ దుఖోమితుల్లె:—ఇందినైఆ బాడ డేవెడి నా యోసేపుతి తింజతున్నె ఇంజిహీ నమ్మివహా హారెఎ లిత్తెసి.

## యోసేపు కైదిత మన్నెసి.

ఐగుప్తు దేశోమి ముహెమన్ని ఓదులతి ఛారో పటాలో మిముహెతకి మన్ని అధిపతిలతి పోధీపరు యోసేపులి కొడ్డితెసి. ఇవని ఇజ్జో యోసేపు హారెఎ నమ్మకోమినింగ కమ్మ కేపితకి, పోధి పరు రాహలహీ ఎవనయి తని ఇల్లుముహె కజ్జ గొల్తి కేపితెసి. రోనేచు పోధీపరు దొక్కిరి యోసేపు ముహె ఉజెఉజెఎ నిందంగ చక్కలి గెటివహ పోధీపరు ఎవనయి కైదిత మెత్తెసి.

ఎంబెఎ యోసేపు నెహసిలహీ నమ్మకోమినింగ మచ్చెసి, లక్క కైదిత జక్కె కైదింగముహె కజ్జసి ఆతెసి. రోనేచు ఎవసి కైదిత తన్నికి మెస్సిమచ్చటి, రిలరి చొంగంగ లిత్తిరెహె తొంజలతెరి. ఏనలతకి లిహీమంజెరి ఇంజిహి యోసేపు వెంజలిఎ ఎవరి:—మాంబు విడ్డొల హప్పనక హేటోమి, ఆతిహె వెహె న్నారి ఏనారి హిల్లుడరి. ఏడాయు యోసేపు ఎవరి హప్పనక అర్థోమి వెస్తిరెహె జరితె. ఏనలఇచ్చిహె రొబనయి ఉరు రెచ్చెరి, రొబనకి ఓడు తాన నాకరి వెంజె హిత్తెరి.

రి బర్సంగ హచ్చిడాయు ఛారో ఇని ఓదుతకి రి హప్పనక వాతు. ఏనలఇచ్చిహె:—సాతగొట్ట నెహి అంగలతి కోడింగ డక్కిత తొంజలతు, ఏడాయు సాతగొట్ట లగ్గెతి దహమన్ని కోడింగ వహివహా ఏ సాతగొట్ట నెహి అంగలతి కోడింగని గూసతుస్తు. ఓడె రిండి హప్పన ఏనలఇచ్చిహె:—సాతగొట్ట నెహి కజ్జ కేంగుంగ తొంజలతిడాయు, సాతగొట్ట పొల్ల కేంగుంగ వహివహా ఏ సాత గొట్ట నెహి కజ్జ కేంగుంగని గూస్తు. దేశోమి హల్లెహె హప్పనక

అర్థోమి వెస్సలి ఇంబలరి హిల్లలతకి, యోసేపుతి కైదిటి హాటివహా  
ఎవనకి త్రాయు హిస్వివహా పూని హింబొర్కని ముచ్చిహీవహా  
ఓడు దగ్గిరె తత్తెరి.

యోసేపు ఓడునోకిత నిచ్చినహా వెస్తయి వనలఇచ్చి  
హా:—పరముశేల సాయామి హిల్లలతిహా, ఇంబలరి ఈ  
అర్థోమి వెస్సలి ఆడుడరి. ఆతిహా దేవుడు నన్నల వెస్తతకి,  
వెహెఇ. ఈ రి హప్పనక రొండిఎ అర్థోమి. సాత బర్సంగణ నెహీ  
పంట వానె, ఏడాయు సాత బర్సంగణ కరువు కేపినె. లక్క  
తాంబు ఈ నెహీ బర్సంగణఎ అర్న ఇట్టకొట్టిహీ కరువు కాలోమిత  
ప్రాచలి నీవనిఎ జాగ్రత కేపడు.

ఈ హాడ ఓడు వెంజవహా మారె రాహలహీ ఈతెకేపలి  
యోసేపుతకి దేశోమిముహా అధికారోమి హితైసి. ఏడాయు  
యోసేపు కజ్జకజ్జ కొట్టుంగని దొస్పిహీవహా కూలింగ ఎవస్కణ  
వాకెసి.

## 19.

### యోసేపువ తని తైయిస్కవ.

ఏ కరువు కాలోమిత యోసేపు తైయిస్కజక్కె కూలింగ  
కొడ్డలి ఐగుప్తుతకి హచ్చెరి. ఇవరి యోసేపునోకిత వహివహా  
బొహొర్కినటి, యోసేపుతకి తాను హేలి హప్పనక ఒన్నుపుత  
వాతు. తైయిస్క యోసేపుతి పోల్వాలి ఆడలత్తెరి.

తని తైయిస్క తమి తంజయి తమి ఈచితైయిఆతి  
బెయమీనుయి జీవునోనెస్కి నొడస్కి కన్నుకొడ్డలి యోసేపు

ఇవరయి వగుంగగట్టరింజిహీ కైదిత ఇట్టితెసి. ఎవరి లీహిమ  
చ్చటి, యోసేపు ఎవరిలోని రొబనయి జామిని ఇట్టివహా, తత్తిమి  
తరయి కూలింగని హీవికిహీవహా, ఓడ వెండె వాతిహె, బెయ  
మీనుతి తత్పలి ఇంజిహీ హెల్లాహిహివహా, ఎవరలో ఇంబలరకి  
పున్న అనహా, ఎవరి మోనంగణ ఎవరి హెమ్ము ఇట్టికిహీవహా, ఎవ  
రయి తంజితాన పండితెసి.

కొచ్చెక కాలోమి కూలింగ రాతిడాయు, యాకోబు వెండె  
తని మ్రీకతుల్లె:—మీంబు ఓడ విగుప్పుతకి హజ్జీవహా కొచ్చెక  
కూలింగ కొడ్డదు ఇంజిహీ వెస్సలిఎ ఎవరి:—బెయమీనుతిజక్కె  
తత్తిఎదెహె, కూలింగ హీయ్యబ ఇంజిహీ ఎంబతి అధికారి వెస్స  
తెసి, లక్క బెయమీనుతి మాతుల్లె కూడహా వాపసి ఇంజిహీ  
మ్రీక వెచ్చటి, తంజి తుదతకి హార దుభోమితుల్లె ఇవనయి ఎవరి  
జేవా హజ్జలి హీ తెసి.

ఇవరి యోసేపువగ్గిరె వహిమచ్చటి, ఎవసి ఇవరకి కజ్జ భోజ  
శేవికిహీవహా ఇవరి హారెఎ రాహలతెరి.

## 20.

యోసేపు తానుతానుఎ హెలాఫకొడ్డితెసి.

తనిత్రైయిస్కు మోనంగణ కూలింగని నెహెము ఇంజిహీ,  
బెయమీను మోనత తని వెండి గిన్నె ఇట్టము ఇంజిహీ  
యోసేపు తని కజ గొత్తితుల్లె మేనెఎ హెల్లాహీత్తిడాయు తని  
త్రైయిస్కుని పండితెసి.

ఇవరి కొచ్చెక పోబి హచ్చిదాయు, యోనేపు కజ్జ గొత్తి  
 కేచొ హెట్టహెట్టహీ—నా కజ్జాని వెండి గిన్నెలి మీంబు దొంగ  
 అహ బహీ ముజెరి ఇంజహీ కల్లెడికి తైసి. ఇవసి ఎవరి మోసంగని  
 పతిహీ, బెయమీను మోసర వెండి గిన్నె పాటె. అప్పుడివరి  
 బహీ రీహీహీ, యోనేపు కొటతకి వెండె వాతెరి. బెయమీను  
 గిన్నె దొంగ ఆలెసింజహీ కైదిత ఇట్టలింజహీ యోనేపు వెస్సలివి  
 తైయిస్కు బహీ రీహీహీ; బెయమీనుతి మా తంజిదగ్గరెతకి  
 మాంబు తతిహీ, తంజి దుభోమివల్ల హానెసి, మాంబు ఈలెతి  
 కైదులి దుభ అదొఱమి బాబూ! ఇంజహీ తైయిస్కు యోనేపు  
 నోత మొర్రో ఇంజహీ కండు వాతెరి.

తనితైయిస్కు తమి తంజితి తమి ఈచి తైయితి జీవునో  
 హీమన్నెరింజహీ యోనేపు పుచ్చటి—నాను యోనేపుతెవి, నా  
 తంజి జీవుతుల్లె బత్కెఎ మన్నెస్కీ ఇంజహీ తాను జక్కె లిత్తెసి.  
 అతిహీ ఎవరి ఈ హడ వెంజివహా హారెవి అజ్జెతెరి. అప్పుడి  
 యోనేపు ఇవరయి తఫివహా, హార జీవుంగని పాహీయ్యలి  
 యోనూవా నన్నల తొల్లి ఈదేశోమితకి పండిలెసింజహీవెస్సలివి,  
 ఎవరయి బహీతి పొచ్చివహా లొండివిత్తెసి. ఏడాయు ఎవరి తని  
 తంజి జక్కె తనితాన తప్పిడిదు ఇంజహీ యోనేపు వెస్సిహీ  
 ఎవరయి హారొన ఇనైయోమిక హీహీవహా పండిలెసి.

## యాకోబు విగుప్తుత మన్నెసి.

యాకోబు తని మ్రొకతులై ఆడిమాంగతులై విగుప్తుతకి వాతటి, యోసేపు ఎవని తానతకి మారమార హెట్టహీ తంజి హెర్కి ముహె రిహిహీ పామ్మివహా హార దిన లి తైసి.

కొచ్చెక బర్సంగతిదాయు యాకోబు నెహి హిలైఅకి, తని మ్రొక బహేతి తనిదగ్గిరె హటివహా, వచ్చెజనతి దీవించిహీ బోలు హిహివహా—నాను హతిదాయు నా అంగ నా తంజి ఆబ్రాహాము ఈసాకు మహాచిమండ టాట్టార మునుదుఇంజహీ వెస్సివహా హాలెసి. తంజి వెస్తిరెహె మ్రొక కేపిహీ ఎవని అంగ నెహిహీ ఇట్టివహా కానానుదేళోమితకి దేకహా పూర్వోమితి మహాచిమండత ఇట్టిరెరి.

ఏదాయు ఎవరి వెంజె విగుప్తుతకి వహివహా నెహి యోమిం గని ఓడువల్ల అగ్రోమి హటివహా హారవి బర్సంగ ఎంబెవి మచ్చెరి.

## యోబు.

అరవిదేళోమిత పూర్వోమి నెచు యోబు ఇని రొనెహి కజ్జసి మచ్చెసి. ఇవని హారవి ఆస్తిగట్టసి ఏదేళోమిత బహేతరినోకత వెంగమచ్చసి. ఇవని దేవుడితి ఆఅతిహె ఆస్తితి హారవి జీవుకి హిమన్నెస్కి అవకీ, మెస్సరి దేవుడి నైతానుతకి హెల్లాహి తైసి.



రొనేచు గొరికోది మందంగ హిచ్చువల్ల వెహహచ్చుఇంజహీ,  
దొంగంగ అస్త్రీ ఓతెరి ఇంజహీ, ఎవని కొక్కరయి బహేపాయతు  
పైరింజహీ రొబని జేవా రొబని వహివహ యోబుతుల్లె వెస్తెసి.  
ఊబ ఇంజహీ యోబు లీహీహీ తని హింబొర్క గెస్సిహీ  
తోజ్జో రిహివహ: పరముశేలఎ హియతెసి, పరముశేలఎ ఓతెసి,  
పరముశేల దోరు జొహెర్క్కియలిఎ వేంగ పెకోఇంజహీ దేవుడిఎ  
తల్లితెసి.

ఏదాయు నైతాను యోబు అంగత కజ్జ కజ్జ కూర్కని  
అవికిహీ మచ్చటి, యోబు ధరంబుత కుగ్గివహ వీన గిచ్చుతుల్లె తని  
కూర్కని పచ్చకొడ్డిమంజవహ, హరెఎ చిత్తిచిత్త ఆహివహ తని  
జర్న నేచుతి తొక ఇట్టివహ పరముశేల ముహా నమ్మకోమి తప్ప  
హచ్చెసి.

తుదతకి పరముశేల తానుఎ హిచ్చిడి గాలిత యోబుతుల్లె  
జోలిమచ్చటి, ఎవని హరెఎ ఊలహీ:—ఆబిలియో! నాను హీజ  
డిగట్టతెఎ, పాపిట్టితెఎ, నింగె నానేనల వెండెవెస్తయి, నా పాపా  
మిక గడ్పము ఇంజహీ లిత్తెసి, అప్పడి దేవుడు యోబుతకి మన్ని  
నోమెరితి రెజ్జహీ పూర్బోమికిహ అగ్గాడ పోడిపోదతి అస్త్రీతి  
హియతెసి.

### 23.

ఇశ్రాయేలు మానెకంగ వాహు అహిమన్నెరి.

యోనేపు హహివహ కొచ్చెక బర్సంగారిడాయు, విగుత్తు  
దేళోమి ముహా ఓడ్రో ఓడు ఆతటి, ఇవని ఇశ్రాయేలు మానెకం

గము హా హా రేప లగ్నైతసి అహీనుచ్చైసి. ఇవసి ఎవరివల్ల ఇట్లైం గని హూడికిహీవహా, కట్టుమాలి కమ్మ కేపికిహీవహా, గడ్డు జనోమి అఅనహా ఈచిఈచి కొక్కరయి నైలు ఇని కడ్డత మెత్తతు హుము ఇంజిహి ఓడు అజ్జిహూపెతి హెల్లో ఆతె.

ఏ కాలోమిత రొ కుటుంబోమిత ఓజితసి రొ కొక్కసి జర్న ఆతెసి. ఇవనయి కాచలి తల్లితంజిస్కు తీని లేస్కువత్తెక తమి ఇజ్జో లక్కివహా ఏడాయు ఊణ దలిత ఇవనయి రోసివహా ఏ కడ్డ త్రిమిన్ని జబ్బుత ఇట్టితెరి. మిడొల్కిహీ ఓడు ఇని ఫారొ మాంగ ఏయు మీయ్యలి ఏ కడ్డత వాతటి, ఏ కొక్కనయి కన్ను కొడ్డివహా ఎవనయి పంగత రెజ్జిహీ తని కోటత ఒహీహీ హజ్జివహా ఎవనకి మోషే ఇని దోరు ఇట్టివహా పాహికిత్తె.

మోషే కజ్జసి ఆతిడాయు రొ విగుప్తు రాజితసి రొ ఇశ్రా యేలు మానెతి వేచిమన్నె సింజిహీ మెస్సీవహా కోపలహా ఎవనయి పాయితెసి. ఫారో ఏదాని వెంజివహా మోషేతి వేచలి పరితెసి, లక్క ఇవసి ఓడొదేకోమితకి హెట్టివహా ఎంచెవి రి కోడి బర్సంగ పత్తెక కాపురోమి కీల్తెసి.

ఎంచెవి పెల్లికేవకొడ్డిహీ తని మామ మందంగని కాచిమ చ్చటి, రొనేచు జాతతుప్పత హిచ్చు లీంజితలెహెగాని ఏ తుప్ప వెలలెహె మెస్తెసి. మోషే ఇచింత్రోమి బడిహీ ఏనైల ఇంజిహీ దగ్గిరె వయ్యలిఎ రొ శబ్దోమి వేంగతె ఏనలఇచ్చిహె :—నీ చెప్పంగ రెమ్ము, నీను నిచ్చమన్నిటాయు పరిశుభోమహా మన్నె ; నాను నీ తంజి ఆతి ఆబ్రాహాము ఈసాకు యాకోబుంగ దేవుడాలి యెహూ వాతెసి, నీను విగుప్తుతకి వెండ్లె వహీవహా, నా మానెకంగని హల్బ రింజిహీ ఫారోతుల్లె వెహెము.

## ఐగుప్తుతమన్ని తెగులుక.

ఛారో హారె ఎ గర్బోమిగట్టసి దుష్టుగట్టసి అహామచ్చెసి. ఇత్రాయేలు జనోమి హల్బురింజిహి యెహూవా హెల్లాహి తెసిం జహీ మోషే ఎ అహరోను ఎ ఛారోతుల్లె చెస్సలి ఎ, ఎవసి—ఎ యెహూవా ఇంబలసితి, ఎవని హడ వనలతకింజిహీ ఉత్రోమి హి తెసి. ఏడాయు ఛారో ఇత్రాయేలుంగ ముహె ఓడెచ్చెక్క కతినోమిగట్టసితిహీ మచ్చెసి, లక్క యెహూవా ఈ దేశోమి ముహె తెగులుకని పండితెసి.

అహరోను తని కేయుతి బడ్డ నైలుకడ్డ ఏయుముహె వేచలి ఎ, ఏది కస్సెతు. కస్సెహె రొ వారెక ఏ కడ్డ మచ్చె. ఛారో ఏదానకి లక్ష్మ్యవెట్టలతకి, దేవుడి ఓడె కొచ్చెక తెగులుకని పండితెసి. రీతెగులి పన్నంగ, తీని తెగులి వేన్న, సారి తెగులి విహంగ, పాస తెగులి టాకురాని. ఈలెతి కష్టోమిక వాలిజక్కె, ఛారో మానె కంగని హజ్జలి హిలతెసి.

## ఐగుప్తుతమన్ని తెగులుక.

పరముశేల ఓడె సాగొట్ట తెగులి పండిమచ్చటి, హరజాన మానెకంగ ఏ జీవెడ్కె ఎ కూర్కవల్ల హాలెరి. సాత తెగులి ఇచ్చిహె స్టూహుంగ ఆజంగ ఆహీమచ్చు. ఆట తెగులి గోవెరిక. నోతెగులి తీని దిన హారె కాడోకి అందేరి అహ మచ్చె.

అప్పడి యెహూవా మోషేతుల్లె:—ఓడె రొ తెగులి పండయి ఇంజిహీ ఇచ్చెసి ఏనలిఇచ్చెహె:—నాను ఈ లాలంగణ బహేఇజ్జో పానవ ప్రీఎనయి పాయలి, నా హాని దూతలి పండితటి, మీంబు టిక్కహీల్లల గొర్రిడాలు తూన్వివహా, ఏదాని కస్స మీ దువ్వేరి బొంతుత వాకివహా హెఒ హజ్జలి సిధమహిమంజు. ఈలా హిఎ హానిదూత హెచాచివహా కస్స వాకిబితి దువ్వేరి బొంతుంగని క్లాచిహీ ఓడెరొ ఇజ్జో హజ్జివహా రొరొ పానవ ప్రీఎనయి పాయిలె. ఆతిహె ఇశ్రాయేలుంగ ఏ లాలంగ తొబ్బె హెచాలెరి.

## 26.

## గదిలి సముద్రోమి రి బగ్గిలి ఆతె.

ఇశ్రాయేలుంగ హెచాచిమచ్చటి, యెహూవా మద్దెనవెల హాగు స్తంభోమిలెహె, లలంగవేల హిచ్చుస్తంభోమిలెహె ఎవరకి కానయాను దేశోమితకి హజ్జలి జీయ్య తోస్తెసి. జనోమి గదిలి సముద్రోమి:వగ్గిరె హేరలిఎ, తమిడాయు గోడంగ రథంగ శబ్దోమి వేంగలె. ఎవరి మెస్సి మచ్చటి, ఫారో కజ్జా పటాలోమితుల్లె ఎవ రయి వెండ్ బయ్యలి వహిమచ్చెసి.

మోషే పరముశేలతి జొహెర్కిహీమచ్చటి, ఎవసి ఇవని తుల్లె:—నీకేయుతి బద్గ సముద్రోమిముహె వెఎముఇంజిహీ వెస్తెసి. మోషే తని బద్గ మెత్తలిఎ ఏయు లయ్యహజ్జిహీ రి పాడిఆహీ కోడలెహె నిత్తు. అప్పడి ఇశ్రాయేలుంగ దూడిత తాకి తిలెహె కొడ్డ ఊడలనహా ఆరల గట్టుత హచ్చెరి.

ఇవరి గ్లాతిదాయు ఘరోజక్కె తని పటాలోమితుల్లె సము ద్రోమిత రేతెసి. ఇవరి ఏదాని మద్ది మద్ద అహామచ్చటి, ఏయు వెంజె వాతు, లక్క బహే జనోమి ముంజ హాతెరి. ఇశ్రాయేలుంగ అతల గట్టుత నిచ్చివహా రాహఅహీ పరముశేలకోనోమి నెహి కథ కేరైరి.

27.

ఇశ్రాయేలుంగ బాలి డీబె పంగత మన్నెరి.

ఇశ్రాయేలుంగ గడిలి సముద్రోమితి గ్లాతిదాయు, రొ కజ్జె బాలిడీబె పంగత రేతెరి. ఇవరి తంగెమన్ని హరోమిక తిచ్చితేచా, పరముశేలముహా నవ్వుకోమి ఇట్టఅకి, మోషేతి బాచకితైరి.

ఓద్రొనేచు లయి ఇశ్రాయేలుంగ క్రీయలెహె లక్కితి గుం జలి కుమ్డి ప్లేకతుల్లె భూమి స్తీఖాని మెన్నెరి. అప్పడి మోషె:— మీకోనోమి యెహూవా పండితి హరోమి ఈదివి ఇంజిహీ వెస్తెసి. ఇశ్రాయేలుంగ ఏదానకి మన్న ఇని దోరు ఇట్టితెరి.

ఓచె కొచ్చిక కాలోమి హచిదాయు, ఇశ్రాయేలుంగకి ఏయు హిల్లె అనకి, ఎవరి మోషేతుల్లె కోపనింగ బోల్కి ఆయ్యలి దక్కి మారెరి. అప్పడి దేవుడి మోషేతుల్లె:—హూరుతి వెము ఇంజిహీ వెస్తెసి, మోషే ఏహూరుతి వేచలివి, గడ్డు ఊట హూతె.

ఏదాయు ఇశ్రాయేలుంగ సీనయి ఇని హూరుతకి వారటి, దేవుడి మోషేతి తనిదగ్గిరె ఏ హూరులెక్కొలకి అర్హివహా

ఎవనికి దొస్తా హెల్లాంగని వేకివహ, ఎవస్కని రి వల్కపాటం  
గనుహె రాచివహ ఇవస్కని మోషేకేయుల హెర్బిలెసి.

## 28.

యెహెవా మోషేతుల్లె :—నాకోసామి రొ ఓజిలి హిం  
బొర్కగూడి దొస్సికేపము ఇంజిహి వెస్తటి, ఈలెకిహీ మోషే  
కేకిహీవహ తని దాదా ఇని అహరోను మూలుగట్టి పూజరకి  
హిహీ నిప్పెసి.

కానయాను దేళోమి నెహైకీ, ఆపకీ, మెస్సలి, ఇశ్రాయేలుంగ  
బారొజానతి పండితెరి. ఇవరి హజ్జివహ వ రాజ్యోమి నెహికిహీ  
కిన్నుకొడ్డిహీ లేంజముహె దొస్సావిన ఆలిడాయు ఎవరి  
రొద్రాకు పట్కగెలితి జేకిహీ తల్తెరి. ఏది రిలరి జేకినెచ్చెక  
బరపు మచ్చె.

ఈ ఏగుంగట్టరి ఇశ్రాయేలుంగతుల్లె :—ఏ రాజ్యోమి క్రియ  
పాళ్లు వారు హెట్టిమన్ని దేళోమి అహమన్నె ఇంజిహీ బహేతరి  
వెస్తెరి. ఆలిహె జాయు ఇవరిలో దొస్సాజాన :—ఎంబతి మానే  
కుంగ హారెపె స్థాయుగట్టరి, హారెపె అంగగట్టరి, క్లానింగలెహెతరి  
అహీమన్నెరి, మారొ ఏ దేళోమితి రెజ్జగొడ్డలి ఆడవి ఇంజిహీ ఎవ  
రయి అజ్జికిత్తెరి. ఈ హడంగ ఇవరి వెంజవహ దుఖోమహీ వెంజ  
ఏగువుతాన హజ్జలి జోల్కితెరి.

అప్పుడి యెహెవా :—ఎచ్చొర దిన వాహుఅహి మిమ్మ  
అ కాలలాతయూ, మీంబు నన్ను అ నమ్మి మంజుతెరి ; లక్క మీ  
లోని ఇంబలతెరిజక్క వ నహి క్రియ పాళ్లు వారు హెట్టిమన్ని

దేళోమిత రేకహల్లలనహా, తొల్లిప హాయలివలె కోపటి వెస్తెసి.  
 ఈ రేజీ ఐత్రాయేలుంగ వ బాలి పంగత రి కోడి బర్సంగ రేజి  
 రేజి రేజీ కజ్జారి హల్లెహా హాతెరి. రిరి మాత్రోమి డాయు  
 ఎస్కి పిల్లలతకి, దేవుడిముహా నమ్మకోమి ఇట్టితకి, కానయాను  
 దేళోమిత రేతెరి.

## పిత్రాడ రాచు.

ఈ రి కోడి బర్సంగ ఇత్రాయేలుంగ రేజిరేజిమచ్చటి, ఓడ  
 రొ హెలి బిత్తిబిత్త అహిమచ్చెరి. అప్పడి పరముశేల శిక్షకోసామి  
 రాస్కని పండివహా హారజనలి రాస్కవల్ల పాయికిత్తెసి. ఇచ్చెక  
 వాహు ఎవరి ఓర్వలి ఆడలతకి, ఇవరి మోషేదగ్గరె హజ్జివహా—  
 మాకోసామి దేవుడిలి జొహుర్కేపము ఇంజిహి వెంజలిఎ, పరము  
 శేల వ రాచు కాకులి హల్వికీయలి మోషేలి రొ పిత్రాడ రాచు  
 కేపమిచ్చెసి. లక్కమోషే రొ పిత్రాడ రాచు రొ స్తంభోమి లెక్కొ  
 డంజిలొస్సివహా :—మీంబు బహేతరి, రాచు మివ్వుల కచ్చికీయ  
 లిహా, ఈ స్తంభోమిలెక్కొమన్ని రాచు బక్కి మెస్తీహా, హా  
 ఆతెరింజిహి కల్లెడికిహి వెస్తెసి. కచ్చిలి మానే హల్లెహా ఈ రే  
 జీ కేపివహా నీడితెరి.

## మోషే హాకి.

ఇశ్రాయేలుంగ కానయాను దేశోమి హంది దగ్గరె వాతటి,  
మోషే సోకోడి బర్సంగ గట్టసి అహామచ్చెసి. అప్పుడి ఏటాయత  
వయు హిలైతకి, మానెకంగ వెండె ఇస్కినటి, మోషేజక్కె చిత్తి  
చిత్త ఆతెసి; లక్క పరముశేల మోషేతుల్లె :—నీను జక్కెనాను  
మింగె హాడహియతి దేశోమిత రేలనహా, తొల్లిఎ. హాయ్యలివతె  
ఇంజిహి వెస్తెసి. ఏజేచా మేషే ఇశ్రాయేలుంగని దీవనోమి హిహి  
హీ రొ నెహీ కతకేర్తెసి. ఏడాయ ఇవసి రొ హెహారు టీపిరి  
లెక్కొ ఎగివహా ఏ టీపిరిలెక్కొటి కానయాను దేశోమి పన్నురు  
హింగలెహెతి టాయుంగని మెస్సిహీ ఎంచెఎ హాతెసి. యెహెహా  
వా దూత ఎవనకి ముస్సతు స్తకి, ఎవని మహానిమండ ఇంబరకి తోంజ  
అతె.

## యెర్దాను గ్లా.

మోషే హాతిడాయ పరముశేల యెహెహాపువతి ఇశ్రా  
యేలుంగముహా కజ్జపాన ఇట్టితెసి. కానయాను దేశోమిత రేల  
నహా తొల్లిఎ యెర్దాను ఇని కడ్డతి గ్లాచలివతె. ఏ కడ్డ హారెఎ  
ఓసెర మచ్చె. అప్పుడి యెహెహాపువ పరముశేల హెల్లాచాటిహీ  
తని కేయుతి బడతుల్లె ఏ కడ్డతి వేచలిఎ, లెక్కొలిపాడియ డకో  
లెహె నిత్తె, రోకిని పాడియ సముద్రోమితాన హెత్తె. అప్పుచెవరి



గడిలి సముద్రోమిలెహె ఈ కడ్డజక్కె పాలన ఊదనహా అతల  
గట్టుతకి హచ్చెరి. ఏడాయు ఏయు తొల్లితిలె హెత్తు.

## 32.

## యెరిఖో గాడ.

కానయాను ఇశ్రాయేలుంగ రేతటి, దక్కితి యెరిఖో ఇని  
కజ్జో గాడతి మెస్సివహా అజ్జితెరి. ఏదాని కోడంగ కజ్జ హెహారు  
లెహె మెస్సివహా ఈదాని ఏనికిహీ మారొ గెల్పినై ఇంజిహీ అడ్డ  
జక్కెఅతెరి. అప్పడి యెహెహామవ వెస్తయి వనలఇచ్చెహె :—  
మీంబు బహేతరి రొ రొ నేచు రొ రొ బేడెవ, సా దినంగ కోడ  
చుట్టు తిర్వదు, సాత దినత పూజరంగ తీత్రంగని ఊహహా బహె  
జానతరి కీల్లెడికిహివహా సాత బేడె గాడచుట్టు తిర్వాదు.

ఇశ్రాయేలుంగ ఎవని హడలెహె కేపితిడాయు సాత దినత  
కోడంగ బహే రిహహాచు; లక్క రొరొబసి ఇంబిమన్నసి ఎంచె  
బిత్రి హెహాతివహా బిత్రిమన్నరయి పాయతుస్సిహీ ఏ గాడతి  
హూడతుస్తెరి. ఈలెకిహీ పరముశేల సహాయోమిటి బహే దేశో  
మితి ఆడివహా తమిలో తాంబు బాటికి తెరి.

## 33.

## గిదోను.

యెహెహామవ హాతిడాయు ఇశ్రాయేలుంగ చుట్టుమన్ని  
దేశోమిక పేంక బొమ్మంగని అప్పడప్పడి బోహెర్కియలి దక్కి

మాతెరి. ఈతెరి సమయోమిత పరముశేల ఎవరయి శిక్షకోసోమి తమి పగగట్టరకి హెర్పితెసి, ఎవరి కేయుత ఇవరి రహివహా తమి పాహోమికోసోమి దుభోమితటి, దేవుడి ఎవరయి పిస్పికిహివహా ఎవ రయి నెహికిహీ తాకికియ్యలి నెహికిహీ వెహెనరయి పండితెసి.

ఇవరిలోని గీదోను రొబసి. ఇవసి పరముశేల హెల్లాలెహె తీని వంస మానేకంగని కొడ్డివహా ఎవరిలోని రొబరొబనకి రొ కే యుత తీతిరి రొ కేయుత దోకతి హిహివహా ఎక్కరేటుఎ పగగట్టరి ముహె రిహిహీ, దోకంగని లయెవేచిహీ తీతిరితి ఊకిహీ బొదుంగ ఊజ్జెడికిహీ కజ్జ కిల్లెడి కేపిమచ్చటి, ఈ పగగట్టరి హల్లెహె ఇవరయి గడ్డు జాన ఇంజహీ ఒనిపివహా హెట్టతు సైరి. ఏదిఆ అనహా ఏ సమ మోమిత అందేరి అహామన్నె లక్క ఈ పగగట్టరి తమి కొ సైటరయి పగగట్టరిలెహె ఆచిహీ ఎవరిలోని రొబనయి రొబసి పాయితెసి.

### 34.

## సంసోను.

ఓడ రొ కజ్జ క్లేహ సంసోను ఇన్నసి మచ్చెసి. ఇవసి కొక్కరి వేడటి పరముశేలతకి హెర్పితసిఅహి, త్రాయుబానంగఎ హెరాడంగఎ హెన్నెఅనహా కాదు ఆతివా ఉన్నఅనహా ఎలెతసి అహామచ్చెసి. ఈ సంసోనుతకి హారెఎ స్థాయు మచ్చె.

రొనేచు సంసోను జాడత రేచటి, రొ క్లాఅని ఎవనిముహె రిహిమచ్చటి, ఇవసి ఏదాని అస్సివహా గెస్సతుస్సిహీ మెత్తెతు సైసి. ఓడ రొహేటి విలిక్కియుంగ ఎవనిముహె ఇస్టోమితుల్లె వహివహా, ఇవసి హుంజిమన్నటి, ఎవనయి వూణి దోర్కతుల్లె గట్టినింగ దంజ

దొస్తైరి. అతిజక్ష్ణ సంసోను నింగివహా వెహహాచి లూలురెహా  
తిప్పితప్ప దహతుస్తైసి. ఏడాయు సంసోను కోపఅహీ దగ్గిరె రిహ  
మన్ని గాడిదె గెతెవె దుమ్ముతి అస్సివహా ఏదానితుల్లె పిలిష్టియుగ  
లోని సోయ్య జానలి పాయిలెసి.

35.

## సంసోను హాకి.

ఈరెతి కజ్జ స్థాయ సంసోనుకి ఏనిఅహీ వాలెల ఇంజహీ  
పిలిష్టియుగ ఎవని దొక్కిరిలి హడహడతకి వెంజహీ హెమ్ముజక్ష్ణ  
హీయనొమింజహీ పున్నోవికిహీ మంజలివి, ఈది ఎవనయి హారె  
హారె దగ్గరీయలివి, తుదతకి ఇవసి:—నాను నా కొక్కరివేదటి  
ఎచ్చెల్లక్ష్ణ నా త్రాయబానంగ హిన్నహా హిల్లెలి, లక్క ఈరెతి  
స్థాయ వంగె మన్నె ; అతిహా నాత్రాయు తాడిహా నా బలోమి  
హల్లెహా హన్నె ఇంజహీ వెస్తైసి.

ఏడాయు రొనేచు సంసోను ఇద్దకీనటి, ఇవని దొక్కిరి పిలిష్టి  
యుంగని అర్హివహా ఎవని త్రాయ బానంగ తాడిహీవహా:—  
పిలిష్టియుగ వాలెరి వాలెరింజహీ కిల్లెడికిహీహీ ఎవనయి నిక్ష్ణ.

కేహా సంసోను నింగివహా పిలిష్టియుంగని తొల్లిటిలెహా  
వేచలి ఒనిపిమచ్చటి, తని స్థాయ హల్లెహా హచ్చె ఇంజహీ  
పుంజకొడ్డిలెసి. అప్పడి పిలిష్టియుంగ ఎవనయి అస్సివహా దొర్క  
తుల్లె దంతె దొస్సివహా తమి కేళోమితకి ఎవనయి ఓహీ హచ్చివహా,  
ఎంబల ఎవని రి కన్న రెజ్జవహా గుండ మాయ్యలి జత్త కమ్మ ఎవనకి  
హీతైరి.

రో నేచు పిలిపియుంగ దాగోను ఇని తమి పేనుతకి రో పర్బు కేవీహీ హార జాన కూడితటి, సంసోనుతి జక్క కిజ్జోవిరోసోమి తత్తెరి. బహే జాన కూడితి ఇల్లు రో ముండముహొ దొస్తై నిచ్చు మచ్చె. అప్పుడి సంసోను పరముశెలయి జోహొర్కిహీ ఏ ముండతి గట్టినింగ అస్సివహా ఏ ఇల్లుతి త్రొక్కతుస్తైసి. ఈ సమ యోమిత తొల్లి హతరిహా నీ ఏ హతరి గడ్డు జాన మచ్చెరి.

## 36.

## రూఘు.

కజ్జ మ్లేహంగ పాటుత రో కిడ్డిత కరువు కేవీతె. అప్పుడి శెల్లెహేము ఇని గాడత కాపురోమి మచ్చసి రొబసి నహోమి ఇని తని దొక్కిరితుల్లె తని రిలరి మ్రికతుల్లె మోయాబు దేశోమితకి హజ్జహీ ఎంచెవ రేతెసి. ఏ దేశోమిత ఈ మ్రిక ఓర్బా, రూఘ ఇని రిలరి మోయాబు మాస్కని పెల్లికిత్తెరి. ఏడాయు తంబి రిలరి మ్రిక ఏ హతెరి. ఏదానకి నహోమి వేదకర్తకట్టయి అహీ తని తొల్లి మన్ని కొప్పై దేశోమితకి వెంచె హజ్జలి హొతె.

నహోమి ఓర్బా, రూఘ ఇని తని క్లుయ్యస్కని మెస్సిహీ :— మీంబు మీ తల్లితంబస్క తాన వెండె హజ్జ ఇంబహీ వెస్సరివి, ఓర్బా తని అమ్మతి లొండివివహా హచ్చె, ఆతిహొ రూఘ తని అమ్మతి పొమ్మివహా, ఈదాని పిహీఅనహా—నీను ఇంచి హజ్జెల, నాను జక్క ఎంచెవ వయి ; నీలరివి నాలరి ; నీ దేవుడి నా దేవుడి, నీను ఇంచి హతిల, నాను జక్క హాయి, ఎంచెవ నంగ ముస్సలి బోధ

ఇజిహీవెన్తి. ఏడాయ నవ్రామిఎ రూఘు కలిహీహీ మోచ  
హచ్చెరి.

రూఘు బెల్లెహీము ఇని నాటా వారిడాయు, ఎంచె రని  
హొక్కర గొత్తెఎసి ఇని బోయజుతి పెల్లికిత్తె. ఈవరి తంగమ్రా  
ఎసి దావీదు ఇని మహారాజు ఆలెసి.

\*

37.

## సముయేలు.

ఏ వేడత ఏలి ఇని బోరుగట్టి కజ్జ త్రోంబ రొజిసి మచ్చెసి.  
రొనేచు హన్న ఇని రొ ఈయ గూడిత వహివహ తంగ పోది  
పోద మీల్లెలతకి, పరముశేసయి రొ కొక్కనికోసోమి లాకివిహీ రీస్తె.  
ఇది రీ స్తిలెహె పరముశేసలసి కేపితకి, ఇది రాహలహివహ మ్రా  
నయి కొచ్చెక బర్సంగపత్తెక పాహికిలిడాయు, గూడి త్రోంబపాన  
కోసోమి హెర్పితె. లక్క సముయేలు ఇని ఈ ఈచిఈచి మ్రా  
ఎసి కొక్కరివేడటి గూడిత మంజహీ హార నవ్వుకోమినింగ ఏలినకి  
నేవ కేపిహీ బహేతరినోకిత దయ పాడసి ఆలెసి.

ఏలి జక్కె నెహసిఎగాని తని రిలరి మ్రాక తప్పు కేపితి  
జక్కె తాను ఇవరయి ఇక్షకేపలితడ ఆతకి, పరముశేల ఓపలెసి.

---

## సముయేలు హాటినయి.

రొ లలంగ సముయేలు హుంజమన్నటి పరముశేల :—  
 సముయేలూ ఇంజిహీ హాటితెసి. ఏలి హాటితెసింజిహీ సముయేలిం  
 జకొడ్డిహీ, తేచోఎ నింగివహా ఏలితాన హెట్టిహజ్జిహీ :—నన్నల  
 ఏనలతకి హాటిలి ? ఇంజిహీ వెచ్చెసి. ఏదానకి ఏలి—నాను హాట  
 హిల్లెబి, వెంచె హుంజము. ఇవసి హుంజలిఎ వెంచె :—సముయేలూ,  
 సముయేలూ ఇని హాడ కల్లితె. తేచోఎ ఇవసి నింగివహా వెండె ఏలి  
 తాన హెట్టిహెట్టిహజ్జిహీ :—నన్నల ఏనలతకి హాటిలి ? ఓడ వెంజ  
 లిఎ—ఏలి :—నాను నిన్నల హాటహిల్లెబి, వెండె హుంజము. సము  
 యేలు ఈలెహీ కేపిహీ లీని బేడ :—సముయేలూ, సముయేలూ !  
 ఇని హాడ వెచ్చెసి. ఇవసి తొచ్చె నింగివహా ఏలిదగ్గిరె హచ్చి  
 డాయు : నన్నల ఏనలతకి హాటిలి ? ఇంజిహీ వెంజలిఎ ; పరముశేల  
 ఇవనయి హాటితెసింజిహీ ఏలి ఇంజకొడ్డిహీ—నీను హజ్జివహా  
 హుంజము. ఇంబలసిలతివ నిన్నల వెండె హాటిలిపురె : పరము  
 శేలా, నీ సేవ గటతెఎ నాను వెంజమయి ఇంజిహీ వెహెము,  
 ఇంజిహీ ఏలి సముయేలు తుల్లె వెస్తెసి.

ఏడాయు పరముశేల వెంచె హాటిమచ్చటి, సముయేలు  
 ఈ హాడ వెంజలిఎ—పరముశేల వెస్తెయి ఏనలఇచ్చిహా :—ఏలి  
 తని మ్రొకని, ఇవరి సాహోమి కేపిటటి, ఇక్షకేవలతకి, ఎవసిఎ  
 తని రిలరి మ్రొకఎ రొనేచుఎ హానెరి.

లయి ఏలి సముయేలులి పరముశేల హెల్లా ఏనల ఇంజ  
 హీ వెచ్చటి, ఇవసి ఏదాని తెల్పితెసి. ఏదానకి ఏలి :—పరముశేల

హారె ఎహసి, ఇవసి తని ఇట్టమిలెహా కేపవెసి, ఇంజిహీ వెస్తెసి. ఏలేహీఎ జరిగితె.

## 39.

## సౌలు.

సముయేలు కజ్జసి ఆతిదాయ ఇత్రాయేలుంగతి నాయోమి తీర్చినసి ఆతెసి. రొనేచు లోకుంగ వహివహా, తక్కిని భేశోమిక లెహా మంగెజక్కె రొ ఓడుతి ఇట్టము ఇంజిహీ సముయేలుతి రీస్తెరి. ఇవసి ఈ హాడతి వెంజివహా:—మింగె పరముశేలె ఓడు, ఓడెరొబసి మింగె వనఅతకి! ఇంజిహీ కోప ఆతెసి. ఆతిహా పర ముశేల, ఎవరి కోరితిలెహా కేపము ఇంజిహీ హెల్లోహి త్తెసి,

అప్పుడి బెయమిను కూలుగట్టసి రొబసి తని గద్దెంగ జాంగితకి, ఎవస్కుని పరలి తని మ్రావసి ఇని సౌలుతి పండితెసి. సౌలు హారె ఓజితసి, మానెకంగకిహా కొచ్చెక పడ్డా ఆతెసి. ఎకసి తని గాద్దెంగని వెంజలి సముయేలుదగ్గరె వాతెసి. ఏ సమెమిత పరముశేల సముయేలుతుల్లె:—ఈ సౌలు నా మానేకంగని వేలి నసి ఆనెసికో ఇంజిహీ వెస్తెసి. లక్క సముయేలు ఈ హెల్లోహి త్తిహాడ సౌలుకి వెస్సినహా, ఎవని త్రాయుముహా హీంగనీయుతి వాఖవహా ఎవనకి అభిషేకోమి హి త్తెసి. జన్నోమి ఏ హాడ వెంజి వహా రాహఅహీ కిల్లెడికి త్తెరి.









10556

